

# UNANA-IFIQK OWO PHARISEE KE ABAÑA IDAHA JESUS NTE ABASI

Luke 7:36-50

## QYQHỌ UKPEP-ŃKPỌ 43

Eke Ikpọ Owo

**IKQ IBUOT:** “Koro kpukpru owo eke ebeñede ebọde; owo eke oyomde okutde; edinyuñ esiode usuñ enọ owo eke atuakde” (Matthew 7:8).

### I Ediyet Jesus Aran Ke Ufọk Owo Pharisee

- 1 Owo Pharisee okot Jesus ete etiene imọ aka ufọk esie ndien Jesus onyime, Luke 7:36; 5:27-32; Eriyarare 3:20
- 2 Nwan emi okokopde mfuhọ abañā idiọk-ńkpọ esie, emi mikedighe kiet ke otu mmọ emi ekekotde usọrọ ama edi edituak ibuot ọnọ Jesus, Luke 7:37; 19:2, 3
- 3 Nte enye adade ke edem Andinyaña, owut edinuaha esit esie, Luke 7:38; Psalm 34:18; 51:17; 2 Nwede Corinth 7:10

### II Owo Pharisee Emi Mikonimke Ke Akpanikọ Ye

#### Nke Mme Akama Isọn

- 1 Owo Pharisee ye edinen-ido idemesie, emi ekedide ọkọi ke abañā idaha Jesus nte Abasi, ndusuk ekekere ete ke ikanam ufọn inọ Jesus, ke ndida Enye nte owo usuhọre itie, Luke 7:39, 40
- 2 Owo Pharisee otim ọnọ Jesus ibọrọ ke abañā mme akama isọn, Luke 7:41-43

### III Nte Andinyaña Akasuade Ọnọ Owo Pharisee Ye Nte Christ Ekefende Ọnọ Anam-Idiọk

- 1 Jesus asua ọnọ andikot Enye ufọk koro enye mikowutke mme ido ukpono, Luke 7:44-46; 1 Peter 3:8
- 2 Nwan oro ke editua mkpọfiọk esie, ke unana ifiọk owut unana mfọn-ido owo Pharisee, Luke 7:44-46; Nwede Rome 13:10
- 3 Christ ọnọ ukpọn emi okopde biọn erifen ye emem, Luke 7:47, 48, 50
- 4 Ikedighe enyene ufọk ikpọn, edi kpa ye mmọ efen emi ekekotde, ikenyeneke ifiọk ibañā idaha Christ nte Abasi ye odudu Esie, Luke 7:49; Mark 2:10, 11
- 5 Jesus ayarare ntak emi efende enọ nwan oro, edi ifenke inọ mmọ eken, Luke 7:50; John 3:14-21; Nwede Mbon Rome 10:9; 1 John 5:1.

## SE EKPEPDE EBAÑA

Ke ebiet ewe ke kpukpru mme nwele mbuk emi ewetde ke owo ekeme ndikut mbuk emi otukde owo, emi ekpedade edomo ye se ukpep-ńkpọ nnyin emi akamade? Nwan emi ekedide ebine Jesus nte Enye etiede ke itie udiā ke ufọk owo Pharisee, ekedi anam-idiọk, emi okoyomde ubọhọ ke esit ye ekikere emi okodobide oto mkpọfiọk ye mfuhọ. Enye akasaña ke eti usuñ man anyañā idem esie osio ke ufen, oro edi enye ama ebine Jesus. Se ibat-ibat owo ke ererimbot emi etiene uwut-ńkpọ esie! Nyuñ se nte edide ibat-ibat owo ekut nduok-odudu ye emem emi enye okokutde!

Ke akpa ifet, imokut Jesus ke okpokoro usọrọ, otutde Idemesie ọnọ nkañ kiet (ke ekpri ńkpọ-nna nte ido ini oro ekedide) ye ukot Esie ke edem Esie. Mme efak ye mme ọkpọ-usuñ ekeyọho ye ntọn, ndien eti enyene ufọk ekesinyene ndinọ esen-owo esie mmọn ndida nyet ukot ọkọrọ ye ekọm emi odotde ye oruk esen-owo emi anade ekama esen. Edi Simon owo Pharisee ikenamke baba kiet ke otu emi. Ndusuk udọn esie ekedi, ndidiọnọ utọ owo eke Jesus edide; edi ke ido asari esie, enye ayarade owut ete ke imọ ikedaha Jesus nte ata akpan esenowo. Ndusuk enye ama ekere ete ke oruk ifet enye emi, mfina iduhe ndibiat mme ido edinam-ńkpọ emi okodudedu. Ekeme ndidi enye ama ọdọhọ ete, “Nse nte enye oto Nazareth, ndien mmọ imeheke ke nti edu-uwem emi nnyin inyenede ke obio nnyin emi.”

Edi Abasi eyeda ubọn ye ukpono ke esit mme owo. Edieke ndusuk owo emi enyenede akamba ifet mitieneke Enye, mmọ eken emi minyeneke nda-mmana enọ, eyenam ntre. Simon ama ọduok akwa ifet, edi usuhọre itie eyen-añwan emi, ama ada ifet oro anam ńkpọ! Enye ama oduk edi edida ke edem Jesus, idiọk-ńkpọ esie ke osuk afina enye. Enye ama ọtọnọ nditua eyet ye mfuhọ ke abañā idiọk-ńkpọ esie; ndien nte enye osuk anamde ntre, mmọn-eyet esie ọduọhọ ke ukot Edisana Eyen Abasi.

Owo ke akpatre ekeme ndikut nte mmoñ-eyet okimde enye enyin ye nte enye oduode ke edoñ esie onyũ afatde ukot emi edikimde ye mme idiok okpukwak ebaña erifen ye ediyet esie. Enye otim okut ndudue edinuk idemesie nsin ke idiok ye nte ñkpọ eke enye edikabarede osio isop esie, oṭoño ndikwohore ukot Esie ye idet esie onyũ otim mmọ inua nte enye osuk anamde ntre. Emen ewut ete, ke edinam emi, enye ama ada uboñ esie nte ñwan edinim ke ukot Jesus. Usem Greek ọno nnyin ntọtuño ye oyohọ ifiok ke abaña utibe ndise emi. Enam nnyin idiño nte ewetde ke ñwed nte enye okotimde ukot Jesus inua, idighe ini kiet, edi ama anam ntre ediwak ini. Ke edinam edikabare ñkpọñ idiok-ñkpọ enye emi ama okokure, enye ama okibore ekpri otu aran esie, emi enye akadade edi, osio se ikesinede ke esit, eyet Oboñ ye Andinyaña esie.

Simon ke ama okokut kpukpru edinam emi, oṭoño ndikere ke esit esie ete edieke Jesus ekpedide anditiñ ntiñ-nnim-ikọ ke Enye okpofiok ete ke ñwan emi ekedi ata anam ntọtuño idiok-ñkpọ emi mikpodotke ndiwut mfon-ido ndomo kiet nnọ owo emi enyenede ukpono. Simon akanam ukem nte ediwak mmọ emi ekotde idem mmọ mme anditiene-Christ enamde mfin ke usuñ kiet me eken. Enye ama eyik Jesus nte Christ. Enye ama akañ idaha Jesus nte Oboñ nnyin. Enye okonim ete ke anana-ndo Eyen-erọñ Abasi ekedi kpa owo emi idaha Esie mikekanke eke imọ. Enye ikonohọ Jesus itoro me ukpono nte Enye emi ofiokde mme edu-uwem owo.

Edi Jesus ama “ofiok” se owo ñtañ-idem Pharisee ekekerede, koro Abasi emekeme ndikut nte esit owo etiede, ndien baba ñkpọ kiet inyũ idibeke enyin nduñore Esie. Ndiyarare nnen-nnen idaha owo emi ñwut enye, Jesus etiñ abaña mme akama-isọn iba emi ekefende enọ mmọ. Ke ebupde enye mbume ebaña idaha ekom emi mmọ emi ekefende enọ ekanade nte enọ mmọ emi mmọ ekekamade isọn, Simon ama oboṛo nte ofonde, onyũ ada ubiom-ikpe odori ke ibuo esie.

Simon ye ido uyuhọ ke idaha esie, ikekwe ntak ndiyom erinyaña. Enye okoyohọ ye edinen-ido idem esie, ke ntre, enye ekenyene ekpri ima ndinọ Oboñ. Edi ñwan emi okobuhode ke idiok-ñkpọ ama ofiok ete ke imọ imoyom uñwam emi ikpikpu owo mikekemeke ndinọ, ntre enye edi etiene Jesus, akabare esit, onim ke akpanikọ obọ erinyaña, onyũ owut ido ekom ke ndiwut mfon-ido ye esen-owo emi enyene ufok akasaride. Owo ama etiñ ete ke ata mfon-ido otop owoṛo ke esit emi oyohode ye ima ọno uduot owo. Edi Abasi ikpọñ ekeme ndinọ utọ ima oro! Ima emi usuhore itie eyen añwan emi okowutde ama otim owut edikabare-esit esie ke kpukpru idaha.

Jesus ama etiñ utibe ikọ nsọño-idem abaña ñwan emi ye kpukpru mme ukpọñ eken emi etuade mkpofiok. “Emefen mme idiok-ñkpọ fo. . . Mbuotidem fo amanyaña fi; nyoñ, koduk ke emem.” Enye esin nnyin ke but oto ke editua mkpofiok ye nsuhore-idem esie, edi enye otim owut utibe eti uduot eke akande oro. Enye ama emen akpanikọ emi owo mikewetke kaña isin ke ñwed ke ini oro owut ete “Owo ekededi eke obuotde idem” ke Christ eyenyene nsinsi uwem. Mme Pharisee emi mikonimke ke akpanikọ esuk uyo, edi enye emi okonimde onyũ atuade mkpofiok adara! Kpukpru owo emi ekedude ke itie usoro oro ema enyene ukem ifet ndibọ erinyaña; edi ñwan oro ikpọñ, nte etiñde enọ nnyin okobọ eñwoño oro. “Udeme eke mikemeke ndibiara, eke ñkpọ misabakere, . . . minyũ ikemeke ndibe mfep, Abasi okonyũ onim udeme oro ke heaven ọno mbufo” enọ kpukpru mmọ emi ekabarede esit enyũ enimde ke akpanikọ.

## MME MBUME

- 1 Nso uduak ke Jesus ekenyene ke ndinyime ikot emi?
- 2 Nso ikedi inwañ-inwañ ñkpọ emi okodude ñwan oro ke esit ke ini enye akadade Jesus ke edem ke itie usoro?
- 3 Nso utọ ido ke owo Pharisee okowut Jesus emi ewakde ndikut ke ererimbot ke ido mme owo emi enyenede enyoñ-enyoñ edu-ukpono Abasi mfin?
- 4 Nte ido mme Pharisee akpañwam me okpobiño enye, edieke enye ñko okpokoyomde erinyaña?
- 5 Fiak tiñ ñke mme akama-isọn iba nyũ nọ iboro emi Jesus okodohode ete ke enen.
- 6 Nso eti ido ini oro ke owo Pharisee mikonohọ Jesus, ndien anie okonọ?
- 7 Nso ke okpodohọ abaña se owo Pharisee ekekerede, ke esit esie, emi akanamde enye etre ndinọ Jesus ukpono eke ekemde, ndien anie okonọ?
- 8 Nso idi ntak emi ñwan oro ikpọñ okobode erinyaña ndien mikedighe baba owo kiet ke otu mmọ emi ekekotde esen?